

A E petishon: “Laga Mi pueblo bai.”

❖ Farao su kontesta (Eksodo 5:1-2)

- Thutmose III tabata un mucha ora ku el a wòrdu poné riba e trono bou di e regensia di Hatshepsut pa prevení(stroba) Moisés di wòrdu proklamá farao. Moisés a hui di Egipto ora ku Thutmose ainda tabata un hóben.
- Kuarenta aña mas despues, Moisés a haña su mes bèk den korte. El a bini pa reklamá su derechi na e trono? Di ningun manera. E petishon tabata simpel: “Laga mi pueblo bai” (Eks. 5:1).
- Thutmose su kontesta ta un reto, no na Moisés, pero na Dios mes. Den kòrto, é tabata desafiando Dios Su propio eksistensia (Eksodo . 5:2).
- Su aktitut ta wòrdu huzá den Revelashon komo un símbolo pa representá e nashon Franses durante di e revolushon di e siglo 18 (Rev. 11:8). Manera Farao, e Repblika Franses a deklará religion abolí i a deklará su mes un nashon ateístiko.

❖ E pueblo su kontesta (Eksodo 5:3-21)

- Ora ku Moisés a ehekutá e señalnan ku Dios a dun’é dilanti de e pueblo, nan a kere i a adorá (Eks. 4:29-31). Nos lo por imaginá kon ansiosamente nan a warda pa Farao su kontesta na nan petishon.
- E kontesta di berdat tabata inesperá. Farao no unikamente a nenga, pero a forsa nan pa hasi e trabou sin duna nan e materialnan nesessario, pero tabata eksigí e mesun resultadonan (Eks. 5:6-8). Kiko tabata e ekskius pa imponiendo un òrdu asina irashonal?
- Moisés i Aaron — di akuerdo ku Thutmose — a pone nan “sosega [shabbat] for di nan trabounan” (Eks. 5:5). Si nan tabatin tempu pa papia tokante di religion i libertat, nan lo tin tempu tambe pa buska yerba seku (Eks. 5:9, 17).
- Ora ku nan a wòrdu maltratá, e kapatasnan (forman serka Faraonan) a keha, pero nan a wòrdu ignorá. Nan e ora ei a bira kontra di. Moisés i Aaron, akusando nan di a hasi nan situashon mas peor (Eks. 5:20-21).

❖ Dios Su kontesta (Eksodo 5:22-6:8)

- Farao ta rabia ku Moisés. E pueblo ta rabia ku Moisés. Moisés... no ta rabiá, pero é ta desanimá, i é ta bira na Dios ku su dudanan: “Pakiko Bo ta afligiendo e pueblo aki? Pakiko Bo a mandami?” (Eks. 5:22).
- Laga nos eksaminá Dios Su kontesta e (Eks. 6:1-8):
 - (a) *Loke Mi a hasi*: Ami a paresé na e profetanan; Ami a stablesé Mi pakto ku nan; Ami a primintí pa duna nan e tera di Kanaan; Ami a tende e keho di e pueblo; Ami a kòrda Mi promesa.
 - (b) *Loke Mi lo hasi*: Ami lo kita e opreshon di e Egipsionan for di nan; Ami lo libra nan for di sklabilitut; Ami lo organisá Mi poder; Lo Mi bai hasi nan Mi pueblo; Ami lo ta nan Dios; Lo Mi duna nan e tera di Kanaan.

❖ Moisés su kontesta (Eksodo 6:9-13)

- Despues di Dios Su palabranan di enkurashamentu, Moisés a papia na e pueblo atrobe, pero nan no a skucha (Eks. 6:9). E ora ei Dios a pidié pa papia ku Farao atrobe pa pidi pa Israel su libertat (Eks. 6:10-11).
- Moisés a nenga, i atrobe a zuai su ekskiusnan: Si mi pueblo lo no skuchami, kon anto Farao lo skuchami, ora ku mi papia asina malu manera mi ta hasi? (Eks. 6:12).
- Moisés tabata deskurashá, deprimí, i desapuntá. Pero, manera otro figuranan grandi kende a sinti e mesun manera ku el a sinti — manera Asaf i Jòb — é no a entregá na desesperashon. Su konfiansa den Dios tabata mas fuerte ku su sintimentunan aktual.
- Ora ku nos eksperensiá deskurashamentu, laga nos hasi Asaf su palabranan esnan di nos. (Salmo 73:23-26 NIV).

B E ròl di Moisés i Aaron (Eksodo 6:28-7:7)

- ❖ Despues di e fayonan(frakasonan) initial na Egipto, Dios mester a rekòrdá Moisés atrobe di Aaron su ròl komo su yudadò i bosero (Eks. 7:1-2).
- ❖ Riba e okashon aki, el a hasi un komparashon ku e ròl di profetanan. Nan ta risibi un mensahe for di Dios i ta transmiti esaki na nos. Den e sentido aki, Moisés ta hunga e ròl di Dios, i Aaron esun di e profeta.
- ❖ Manera lo sosode mas despues ku hopi di e profetanan, Dios a spierta (avisa) ku Su mensahe lo no wòrdu skuchá, i ku E lo tin ku aktua ku gran poder (Eks. 7:3).
- ❖ Manera profetanan mas despues, Moisés lo mester a papia na e pueblo i Farao, “sea ku nan ta skucha òf alehá, pasombra nan ta masha rebelde” (Ezek. 2:7). Esaki tambe ta bèrdat di nos, pasombra nos ta e bos oudibel di Dios riba e tera aki.